

## Universitätsbibliothek Paderborn

**Cura Salvtis, Sivæ De Statu Vitæ Mature ac Prudenter  
Deliberandi Methodus**

**Hevenesi, Gábor**

**Coloniae, 1716**

**VD18 13912755**

An liceat impedire aliquem à Religione?

[urn:nbn:de:hbz:466:1-50144](#)

Etione mutare soleat motivum, & veram vocationem obtinere.

An liceat impedire aliquem à Religione?

1. **Q**uisque post annum decimum quartum ætatis habet jus ingrediendi Religionem, si velit; à quo jure qui illum vi, vel fraude impedit, graviter peccat, quia facit illi in re gravi injuriam.

2. Si quis alterum impediret ab officio obtainendo à matrimonio, ab alimentatione totius vitæ, graviter delinqueret: quantò magis ille, qui à majori longè bono, nempe Religione impedit.

3. Non solum vi, aut fraude, minis, verberibus, &c. impedire ab ingressu Religionis, peccatum est; sed etiam metu reverentiali, importunis precibus, & lachrymis parentum; licet enim talis mentus & moralis coactio in foro externo non videatur cadere in virum constantem; in foro conscientiæ tamen tollere judicatur libertatem, adeoque per talem gravis fit injuria illi, qui his impeditur ab eo bono, ad quod jus habet.

4. Qui dissuadet alteri Religionem,

in

in qua is salvatus fuisset, si deinde pereat, quod facile fieri potest, quid ager, ubi DEUS animam hujus ex ejus manibus repetiturus est? quomodo talis anima damnata maledicet æternum tali seductor.

5. Si quem ad DEI obsequium properantem quis impedit, non illi solum, sed & DEO injuriam facit, dum DEI consilium suo pervertit; animam ad Christi castra vocatam, sub diaboli vexillo detinet. *Retrabere à Religione est Christum in alterius pectore occidere.* S. Hier. ep. ad Helio.

6. Si Rex ad aula invitaret aliquem, nefas duceres impedire, & quid Regi Regum respondebis, si quem ab ejus obsequio avoces?

### Axiomata bonæ Deliberationis.

1. IN deliberatione sequi potius optinet rationem, quam sensum; id est DEUS homini rationem dedit, & per hanc ab animalibus distinxit, ut eam sequeretur. Sensum sequi brutorum est.

2. Ex duobus bonis, id quod majus bonum est, eligendum; intellige quod majus bonum est verè, non tantum apparenter, præterea quod est majus

K 3 bo-